

牧

齋

有

學

集

牧齋有學集卷二

秋槐詩文集

己丑元日試筆二首

春王正月史仍書上日依狀芳草初白髮南冠聊復  
爾青陽左个竟何如三杯竹葉朝歌後一枕槐根午  
夢餘傳語白門楊柳色桃花春水是吾廬

頻煩襖被卷殊書顧影頽狀又歲初自笑羈囚牢戶  
熟人憐留滯賈胡如淵明弱女咿嚶候孺仲賢妻涕  
淚餘爲問烏衣新燕子啣泥何日到寒廬

次韵盛集陶新春東懷之作

暈碧裁紅記往年春盤春日事茫狀澗瀝維下今何  
地鄆杜城南舊有天夢裏士師多訟獄醉中國土少  
崩竊金陵見說饒新咏佳麗長懷小謝篇

林那子七十初度

孟陬吾以降七十古來稀南國遺民在東京昔夢非  
夜烏題舊樹春燕語新衣一醉滄桑裏麻姑有信歸  
寄題廣陵菽園

架構平臨邛水涯隋堤迎却俯塵沙南塘路識將軍  
第東閣梅如水部衙十里珠簾叢腐草二分明月冷  
烟花輕軒奉母承平事會有新詩補白華

題朱玉耶畫扇

斷月拋雲去不還  
舊圖小扇落人間  
依稀記得前塵事  
愁絕雙蛾傍遠山

次韵荅何寤明見贈

桃李何曾怨不言  
沅湘憔悴自蘭蓀  
刼灰蕩掃文章貴  
星緯消沉處士尊  
江左風流餘汝在  
襄陽耆舊幾人存  
新詩携去誇春社  
一字須傾酒一樽

馮研祥金夢蜚不遠千里自武林  
唁我白門喜而有作

踰冬免歿又經旬  
四海相存兩故人  
吳淞各天如嶺

嶠干戈滿地况風塵燈前細認平時面坐久頻驚亂  
後身詹尹朝來傳好語可知容易有斯晨

疊前韵送別研祥夢蜚三首

愁霖震電苦踰旬况復惓惓送故人瀕死心懸春碓  
杵望歸目斷客車塵殘生握別無多淚末世遭逢有  
幾身從此前期知不忘雞鳴如晦記茲晨

青春聚首不多旬作伴還鄉恨少人不分行時俱涕  
淚正憐別後各烟塵關心憔悴無過死執手叮嚀要  
此身傳語故人應歎息對林風雨亦佳辰

少別千年近隔旬勞人亭畔盡勞人誰家寤室能逃

世何處巢車可望塵問字總歸沙數劫相看已屬意  
生身童初近有登真約爲我從容扣侍晨

戲爲天公惱林古度

已丑春王近寒食陽和黯黯春無力嚴霜朔風割肥  
骨愁霖累月天容墨撒空飛霰響颼颼殷雷闐闐電  
光激須臾冰雹交加下亂打軒窓攢矢石老人擁被  
向壁臥如蠶縮蛰烏塌翼金陵城中有一老古度目  
眇頭暈起太息摩娑箱架繙玩占彳亍鄉鄰卜蓍筮  
對飯失箸寢失席如魚吞鈎挂胸臆蛙怒鼓腹氣彭  
彭蚓悲穴竅音唧唧吟成五八四十字字字酸寒句

結轡一吟啼山魃再吟泣木客三吟四吟天吳罔兩  
紛來下鍾山動搖石城仄山神社鬼不敢寧居號咷  
想上帝帝遣六丁下搜獲天公老眼慵識字趣呼巫  
陽召李白李白半醉心膽龐曼聲吟誦帝座側天公  
傾聽罷拍手笑啞啞女娟弄黃土搏作兩竿伯盧仝  
下賤臣扣頭詛月蝕林生韋布士雨雹恣訴斥天壤  
之間界兀產二儒使我低頭掩耳受鶚責唐堯爲天  
子倦勤而禪息穆滿八駿歸髦期乃登格我爲天帝  
元會運世八萬六千歲安能老而不耄長久精神勿  
差忒二十八宿糾連烝字羅計四餘氣控訴西歷頻

變易四餘刊一四氣孤列宿失躔紊營室籲呼眞宰  
乞主張我爲一笑付閔默由來世界怕刼塵寧保穹  
蒼免黜陟我甘名號改 女輩紛呶復奚恤女勿

苦霖雨不見脩羅宮中雨下成戈戟女勿苦雪霰不  
見堯年牛目雪三尺電胡爲而作乃是玉女投壺失  
笑天眼折雷胡爲而作乃是東方小兒作使阿香掉  
雷車而扇霹靂電胡爲而作乃是女媧補天之餘石  
碎爲礮車任騰擲春秋請高閣鴻範仍屋壁伸舒繁  
露誠大愚劉向五行徒懇惻鯁生捉鼻善吟縛衣帶  
何用撼鈴伐鼓張皇天駟天公支頤倦欲臥金童玉



女擎觴進金液此翁霑醉羈毬騎白雀遙觀金陵城  
中吟詩之人夜分鼾睡殊燕適搗鼓忽坐通明殿號  
召玄冥豐隆諸神齊受職火速趨赴金陵城雪霰重  
飛雹再射推敲蓬門穿甕牖惱亂吟魂攪詩魄是時  
午夜正昏黑大家小戶眠不得眠不得忽驚嚇乃是  
天公弄酒發性故與吟詩老生作戲劇

此詩得之於江上丈人云是東方曼倩來訪李青  
蓮於采石大醉後放筆而作青蓮激賞而傳之也  
或云青蓮自爲之未知狀否

新安汪氏收藏目錄歌

新安汪宗孝收藏金石古文泐書名畫彝器古玉  
甚富歿後散落人間獨手書目錄猶在其子權奇  
裝潢成帙余方有滄桑之感爲作歌以識之宗孝  
字景純富而任俠萬曆間嘗臥病授命於文廟遣  
治水江淮間七日而寤楚人王同軌作耳譚載其  
事焉

鴻朗八百應壽昌斗匡天府垂文章東壁圖書賁南  
極光晶下薄天子鄩金錢積氣久盤鬱化爲羣玉紛  
璆琅羽陵宛委吐靈異瑤菌雲笈差縹緗晉書唐畫  
出秘閣永和淳化羅墨莊昭陵玉匣誇購取宣和金

書矜弄藏鄴侯萬籥曾未觸桓玄一厨今不亡東觀  
詞人著跋尾奎章學士書右方軒轅丹鼎借光氣天  
都草木增輝光人間墨繪汗牛馬敢與列宿分焜煌  
清閼之閣蕭閒堂克棟插架聞古香錯列几案峙爨  
鼎鎮壓卷帙填珪璋疎牕眼明見倉籀棊几日煖流  
丹黃主人好古復好事千金豪取如鍼芒彈琴煮茗  
自欣賞高僧詞客同平章青娥摩娑辨款識紅袖拂  
拭焚都梁淒涼不解雲烟綠寒儉笑彼書畫航一之  
帝所夢不返高冠長劒從文皇平泉花木旋改易衛  
公器物非古常雷劒一往誰取去楚弓人得知何方

茂先室有殘機杼長吉家看古錦囊一生嗜好存譜  
錄十載鐫鏤勞肺腸遺墨宛然網塵篋厥子緇得重  
裝潢鄭重有如獲拱璧再三示我涕泗滂君不見滄  
桑以來百六殃颺迴霧塞何茫茫昆明舊灰鑠銅狄  
陸渾新火炎崑岡乘輿服御委糞土武庫劒履歸吳  
蒼礮火蕩拋琬琰字馬牛蹴踏金玉相南城叢殘餘  
煨燼北門矇瞽徒看詳神焦鬼爛偏泯滅國亡家破  
同盡傷寶玉大弓魯史在玉魚金盃唐天長漫云遺  
山譜器什更與淵穎論滄桑還君此冊三太息謁帝  
吾欲招巫陽

徐元歎六十

飄朕領鶴駐高閤石戶雲房處處關萬事總隨青鬢  
去此身畱得翠微間隱將佛土逃三刼貧爲詩人鍊  
九還若問少微星好在鈎簾君自看西山

已丑歲暮讌集連宵於是豪客遠來樂府駢集  
縱飲失日追懽忘老卽事感懷慨朕有作四首  
風雪填門噪晚鴉脩脩書劒到天涯何當錯比楊雄  
宅恰似相逢劇孟家夜半壯心迴起舞酒闌清淚落  
悲笳流年適盡那堪餞却喜飛騰暮景斜

送客留髡促席初履交袖拂樂方舒酒旗星上天猶

醉燭炬風歌歲旋除霜隔簾衣春盎盎月停歌板夜  
徐徐舫船莫惜頻煩勸已是參橫斗轉餘

風光如夢夜如年如此歡娛但可憐曼衍魚龍徒瞥  
爾醉鄉日月故依狀漏移警鶴翻歌吹霜壓啼鳥殺  
管絃曲晏未終星漢改與君堅坐看桑田

扶風豪士盤追歡楚舞吳歆趁歲闌銀箭鼓傳人悄  
恍金盤歌促淚洗瀾杯啣落日參旗動炬散晨星刳  
火殘明發昌門相憶處雨淋絲竹夜漫漫

蜡日大醉席上戲示三王生三生樂府渠帥吳

門白門人也

美人雜坐酒盈觴雪虐風饕避畫堂  
卒歲世猶存八蜡當場我自看三  
王蘭膏作樹昏如畫竹葉生花醉  
亦狂大笑吳歎愁失日漫漫長夜  
復何妨

賜蘭堂壽讌詩四首

有序

金壇虞憲使兄來初與余同舉丙午少壯論文忽  
馬七十叻濡相存衰榮無間於其初度之日爲長  
句以稱壽焉闕闕箕裘之盛園林讌賞之樂鋪陳  
揚扞略盡一斑而要歸於家恩國恤迴翔頽仰感  
慨係之蓋庶幾頌禱之義具焉其不獨以比於彈  
絲竹考鐘鼓而已亦或以望吾兄從容燕喜之餘

爲停杯而三歎也夫虞之先世大理公謙爲永宣  
名臣常拜宣廟稷帖之賜賜蘭其堂名也

綠髮朱顏卻杖扶行年七十似兒駒一夔端許諧虞

樂

虞一子跛故  
有一夔之戲

羣鳳紛看集帝梧天瀉酒旗星海動

地蟠燈樹月輪孤華陽大有登真宴得似長筵此會  
無

兩牀羅列十眉俱秉燭追歡似逐逋句曲園林藏地  
肺茅家供換出天厨經年摒擋春燈賞排日規模夜  
燕圖樂土居狀塵劫外良常日月未應誣

玉雪風流弈葉垂

大理公自  
號玉雪

丹青人物永宣時蘭亭



金匱先朝賜竹屋銀鈎往詰詒

祝京兆東山竹屋記爲大理之子來鳳作

也見祝氏集

書雀堆牀傳祖笏高門列戟闕宗彝知君拜

手稱觴日輟舞停歌有所思

英妙才名京雒傳黑頭兄弟兩蟠狀夔龍兕虎看誰  
在猿鶴沙蟲劇可憐金爵觚稜紅燭裏玉杯繁露綠  
尊前停斟却笑人間事龍漢魚河復幾年

奉贈太傅崇明侯弼武杜公詩四首

光岳貞符河雒形扶桑弧矢射青冥三秦地塞雷元  
老太白芒寒護將星起陸龍蛇爭渾沌握奇魚鳥叶  
神靈衛公舊有釣天樂戴斗崆峒佇勒銘

辛勤百戰爲山河東馬懸鋒鬣已皤吳下諸生推杜  
預關西老將憶廉頗揮毫爛熳頭風檄擊金蒼茫耳  
熱歌記取鷹揚非少壯莫將芒角自鐫磨

申丹刑白誓書垂俄及山河帶礪期熊耳峰前馘耳  
日馬鞍山下據鞍時閒園種菜分戎壘曲宴催花樹  
酒旗春草青絲調伏櫪識途終許是良眉

能以三明並四夔惇詩說禮古人爲定襄行卷經年  
富魏國奚囊鎮日隨插架綠槍依筆格銜鞞霜刃挂  
書帷車攻願嗣清風頌自拓岐陽石鼓碑

庚寅人日小集卽事

縷金圖勝總無情佩劒衝星黯未平  
劫末乾坤餘七日  
刀兵劫末度七日方行間兵火已三生  
留人種見汾苑珠林梅花北戶  
將春發菜甲東風與歲更强欲登高難舉目草堂吟  
望淚縱橫

莫葉依朕七葉齊文王喻復此應稽  
李義山人日詩文王喻復今朝  
是亦知是日妨晴昊  
是日陰未省爲人學犬雞嶺海

風烟迴玉笛羅浮春色應金閨  
開尊遺老忻談笑明日看梅可杖藜

### 人日示內二首

夢華樂事滿春城今日淒涼故國情  
花燼舊枝空帖

燕柳燔新火不藏鶯銀幡頭上衝愁陣柏葉尊前放  
酒兵憑仗閨中刀尺好剪裁春色報先庚

靈辰不共刳灰沉人日人情泥故林黃口弄音嬌語  
澀綠窻停梵佛香深圖花却喜同心蒂學鳥應師共  
命禽夢向南枝每西笑與君行坐數沉吟

依韵奉和二首

春風習習轉江城人日于人倍有情帖勝似能欺舞  
燕妝花真欲坐流鶯銀幡因戴忤多福金剪儂收喜  
罷兵新月半輪燈乍穗爲君酌酒祝長庚

佛日初輝人日沉綵旛清曉供珠林地於刳外風光

近人在花前笑語淡洗罷新松看沁雪行殘舊藥寫  
來禽香燈繡閣春常好不唱卿家緩緩吟

贈黃若芷大家四絕句

節比青陵孝白華齋心况復事毘耶丹鉛點染從遊  
戲只似諸天偶雨花

梅檀雲氣湧香臺蓮漏初殘貝葉開丈室掃除容寶  
座散花天女故應來

暈碧圖黃謝物華香燈禪板道人家中庭只有寒梅  
樹邀得仙人綠萼花

鷗波亭向絳雲開沁雪虛庭絕點埃墨竹數枝香一

縷小窓畱遲仲姬來

閩中徐存永陳開仲亂後過訪各有詩見贈次  
韵奉答四首

拂水分携手共招依朕陳迹已前朝空傳父老摩銅  
狄無復宮人記洞簫攬鏡頭憎三寸憤看花眼詫一  
重綃憑君話我餘生在萬事叢殘爲領腰

休嗟小別似千年坐膝將軍事顯朕契濶共循頭上  
髮延緣猶記葦間船高人有福先歸地野老無謀但  
詛天最是臨分多苦語相期把卷白雲邊

存永侍其  
尊人典公

訪余拂水屈指十二年矣典  
公別時有山中讀書之約

交白鬚眉學刺船漁灣蒙密舊山川櫻桃寢薦無消息楊柳車攻有注箋南國歌闌皆下泣山陽詩讎倩誰傳緇君家集真三歎遺卷猶存忠孝篇

開重尊人磐生遺集

中多籌時語

論文嵇呂更誰知兵燹間關問索居沁雪摩娑新拜石殺青論勘舊藏書共嗟昔夢連銅輦自笑殘生出篋輿莫訝和詩多讎謎老來誕謾比虞初

夏日讌新樂小侯於燕譽堂林若撫徐存永陳開仲諸同人並集二首

寶玦相逢溝水頭長衢交語路悠悠西京甲觀論新

樂南國丁年說故侯春燕歸來非大夏夜烏啼處似  
延秋曾聞天樂梨園裏忍聽吳歛不淚流

軟脚筵開樂句和濯龍吐鳳客駢羅雖無法部仙音  
曲也勝巴人下里歌絲竹凝風腰鼓急釭花蕩影舞  
衫多老夫苦憶平生事腸斷西遊趙李過

牧齋有學集卷二終

牧齋有學集

卷二

三



牧齋有學集卷三

庚寅夏五集

歲庚寅之五月訪伏波將軍於婺州以初一日渡  
羅刹江自睦之婺憇於杭往返將匝月漫興口占  
得七言長句三十餘首題之曰夏五集春秋書夏  
五傳疑也疑之而曰夏五不成乎其爲月也不成  
乎其爲月則亦不成乎其爲詩繫詩於夏五所以  
成乎其爲疑也易曰或之者疑之也作詩者其有  
憂患乎

早發七里灘

曉曉初旭麗江干  
淦淦浮烟羃瀨灘  
此地無風才七里  
諺云無風七里  
有風七十里  
吾廬有口正三竿  
釣壇不爲沉灰改  
丁水猶餘折戟寒  
欲哭西臺還未得  
唳空朱噉響雲端

五日釣臺舟中

緯繡江山氣未開  
扁舟天地獨泔洄  
空哀故鬼投湘水  
誰伴新魂哭釣臺  
五日纏絲仍漢縷  
三年灼艾有秦灰  
吳昌此際癡兒女  
競渡譁吹盡室迴

五日泊睦州

客子那禁節物催  
孤篷欲發轉徘徊  
晨裝警罷誰驅

去暮角飄殘自悔來千里江山殊故國一抔天地在  
西臺遙憐弱女香閨裏解潑蒲觴祝我迴

婺州懷古

礮車猶並日車紅當道空傳一老熊

謂故開府朱公野鳥

淒涼啼廢壘纖兒啁晰笑行宮

開府謀改宋公署爲行宮未就而罷人多

笑中天赤字開明祖

明祖開省于婺黃旗榜署有山河日月之聯

午夜朱

旗閃越公

見宋公胡越公新廟碑

獨有鷓鴣如夙昔雙溪省識

釣魚翁

歸舟過嚴先生祠下留別

雙臺離立釣魚壇香火空江五月寒林木猶傳唐慟

哭

臯羽記云故人唐開府  
譴宋爲唐也故從之

溪雲常護漢衣冠  
蒼厓辣

關春山老白鳥  
離襪夏雨殘  
有約重來薦蘋藻  
謹將  
心跡愬魚竿

### 桐廬道中

空山雲霧眇天涯  
信宿迴舟興已賒  
作客有詩頻削

草涉江無事但尋花

蘭溪載花盈  
舟越人笑之

蘭舟是處皆湘水

釣渚於今屬漢家  
寄謝桐君莫相笑  
因君轉自愛蒹葭

### 畱題湖舫

舫名不繫園

園以舟爲世所稀  
舟名不繫了無依  
諸天宮殿隨身

是大地烟波瞥眼非淨掃波心邀月駕平鋪水面展  
雲衣主人欲悟虛舟理只在紅妝與翠微  
湖上堤邊艤權時菱花鏡裏去遲遲分將小艇迎桃  
葉徧采新歌譜竹枝楊柳風流烟草在杜鵑春恨夕  
陽知憑闌莫漫多回首水色山光自古悲

西湖雜感

浪迹山東繫舟湖上漏天半雨夏月如秋登登版  
築地斷吳根攘攘烟塵天分越角岳于雙表綠宇  
猶存南北兩峰青霞如削想湖山之繁華數都會  
之佳麗舊夢依怙新吾安往况復彼都人士感絕

卷之三  
黍禾今此下民情深桑海侮食相矜方言若性何  
以謂之嘻其甚矣昔日南渡行都慙遺南市西湖  
隱跡追抗西山嗟地是而人非忍憑今而弔古叢  
殘長句淒絕短章酒闌燈地隔江唱越女之歌風  
急雨淋度峽下巴人之淚敬告同人勿遺下體敢  
附采風聊資剪燭云爾庚寅夏五憇湖舫凡六日  
得詩二十首是月晦日記於塘栖道中

版蕩淒涼忍再開烟巒如赭水如焚白沙堤下唐時  
草鄂國墳邊宋代雲樹上黃鸝今作友枝頭杜宇昔  
爲君昆明劫後鐘聲在依戀湖山報夕曛

漱灑西湖水一方吳根越角兩茫茫孤山鶴去花如  
雪葛嶺鵬啼月似霜油壁輕車來北里梨園小部奏  
西廂而今縱會空王法知是前塵也斷腸

楊柳桃花應刦灰殘鷗剩鴨觸舷迴鷹毛占斷聽鶯  
樹馬矢平填放鶴臺北岸奔騰潮又到南枝零落鬼  
空哀爭憐柳市高樓上銀燭金盤博局開

先王祠廟枕湖濱潰墮淚爭看忠孝文垂乳尚傳天目  
識射潮無望水犀軍千年蠻響傳陰火盡日靈旗捲  
暮雲雙淚何辭濕堦城羅平怪鳥正紛紜

宰樹豐碑一水湄金牌終古事參差

于公被禍亦有  
金牌迎立事

殯宮麥飯無寒食賜墓椒漿有歲時歌舞夢華前代  
恨英雄復楚後人思興亡今古如償博可惜冬青綠  
滿枝

昔叩于公拜綠章擬徵桔矢靜諸方鴟夷靈爽真如  
在銅狄災氛寔告祥地憂龍吟翻水窟天迴電笑閃  
湖光殘燈彷彿朱衣語夢斷潮聲夜殷牀萬曆己未歲余肅謁

于廟有  
祭廟文

佛燈官燭古珠宮二十年前兩寓公

謂程孟陽  
李長蘅

畫筆

空濛山過雨詩情淡蕩水微風斷橋春早波吹綠靈  
隱秋淡葉染紅白鶴卽看城郭是歸來華表莫匆匆



西泠雲樹六橋東月姊曾聞下碧空楊柳長條人綽

約桃花得氣句玲瓏

桃花得氣美人中西泠佳句爲孟陽所吟賞

筆牀研

匣芳華裏翠袖香車麗日中今日一燈方丈室散花

長侍淨名翁

堤走沙崩小刼移桃花務面柳攢眉青山無復呼猿

洞綠水都爲飲馬池善舞獼猴徒跳盪能言鸚鵡亦

支離祇應驚嶺峰頭石却悔飛來竺國時

方袍瀟灑角巾偏纔上紅樓又畫船脩竹便娟調鶴

地春風蘊藉養花天蝶過柳苑迎丹粉鶯坐桃堤候

管絃可是承平好時節湖山容易著神仙

匝匝湖山錦繡窠  
血風殺氣入偏多  
夢兒亭裏屯戈甲  
教妓樓前掣駝粉  
蝶作灰猶似舞黃鶯  
避彈不成歌嘶風渡  
馬中流飲顧影趑趄  
怕綠波

豈獨湖山笑突如  
珠林寶網亦丘墟  
消沉泡幻看金

鯽

六和塔池金鯽魚滄浪東坡詩所寄也池久涸不復存

警策浮生聽木魚

孔刀兵三刼熾

今說禪者皆波旬說刀兵刼所種也

蓮花刺漏六時疎

於今頂禮雲栖老  
擁衛人天五百餘

宗鏡開堂余以彌陀疏鈔一部

爲施此詩申言之

天地爲籠信可哀  
南屏舊隱謫仙才  
遺廬尚有孤花在  
弔客徒聞獨鶴迴  
漬酒青鞵褰宿莽  
題詩紅袖拂

荒苔

草衣道人有詩弔太初爲人所傳

太平宰相曾招隱矯首雲霞

海上來

記費錫山南屏訪太初事

東海桑田事豈誣藏舟夜壑本良圖摸金山欲移三

竺蒸土陂應決雨湖

西湖有裏外湖得云兩湖

地媪荒涼憂竭澤

波神刺促怨投珠不知繫纜江頭石曾見秦人築塞

無

冷泉淨寺可憐生雨血風毛作隊行羅刹江邊人飼

虎女兒山下鬼啼鶯漏穿夕塔烟烽影飄瞥晨鐘鼓

角聲夜雨滴殘舟浙瀝不須噩夢也心驚

建業餘杭古帝丘六朝南渡盡風流白公妓可如安

石蘇小湖應並莫愁戎馬南來皆故國江山北望總

神州行都宮闕荒烟裏禾黍叢殘似石頭

有人問建業云吳宮

晉殿亦是宋行都矣感此而賦

珠衣寶髻燕湖濱翟茀貂蟬一樣新南國元戎皆使

相上廳行首作夫人紅燈玉殿催旌節畫鼓金山壓

戰塵粉黛至今驚夜帳可知豪傑不謀身

見周公謹羅大經諸

書亦南渡西湖盛事

冬青樹老六陵秋慟哭遺民總白頭南渡衣冠非故

國西湖烟水是清流早時朔漠翎彈怨它日居庸宇

喚休

自翎杜宇事具元史及草木子諸書

苦恨嬉春鐵崖叟錦兜詩報

百年愁

鐵崖婦秦詩  
用錦兜押韵

茫茫禹跡有風塵最喜杭州土俗淳  
閉戶儒生推玉曆開堂禪子祝金輪  
青衣苦效侏離語紅粉欣看回鶻人  
底事兩朝崇少保高墳棹楔尚嶙峋

罨畫西湖面目非峰巒側墮水爭飛  
雲莊歷亂荷花盡月地傾頽桂子稀  
鶯斷麴裳思舊樹鶴髭丹頂悔初衣  
今愁古恨誰消得只合騰騰放棹歸

東歸漫興六首

經旬悔別絳雲樓衣帶真成日緩憂  
入夢數驚嬌女大看囊長替老妻愁  
碧香茗葉青磁碗紅爛楊梅白

定甌此福天公知客與綠章陳乞莫悠悠

警枕殘燈對小舟  
閭將心曲語江流  
昔遊歷歷歸青史  
老眼明明貫白頭  
鳩聚鵲喧憑博局  
龍拏虎擲倚神謀  
長年似與更籌約  
啼絕荒雞發櫓謳

祭戟森嚴禮數寬  
轅門風靜鼓聲寒  
據鞍老將三遺矢  
分闢元戎一彈丸  
戲海魚龍呈變怪  
登山烟火報平安  
腐儒篋有英雄傳  
細雨孤舟永夜看

林木池魚灰燼寒  
鴛湖恨水去漫漫  
西華葛帔仍梁

代

南史任昉子西華流離不能自振冬月着葛帔練裙

東市朝衣尚漢官  
白鶴

遄歸無石表金雞旋放少綸竿  
舊棋解覆惟王粲東

閣西園一罨看

過南湖望勺園悼延陵君而作其子貧薄故有任西華之歎

水跡雲踪少滯留  
拖烟抹雨一歸舟  
雖無桃葉迎雙

槳

婦屬買婢不得

恰有蘭花載兩頭  
古錦褰將唐百衲

買得張老

頌琴蓋唐斲也

行宮拾得宋羅睺

宋景靈宮以七夕設摩羅睺今市上猶鬻之

孺

人稚子相勞苦一握歡聲萬事休

不因落薄滯江干  
那得歸來盡室歡  
巷口家人呼解

帶牆頭鄰姥問  
加飡候門栗  
里天將晚秉燭羌村夜

向闌簷鵲噪乾燈穗結笑憑兒女話團圓

### 感歎勺園再作

曲池高館望中賒  
燈火迎門笑語譁  
今舊人情都論

雨暮朝天意總如霞園荒金谷花無主巷改烏衣燕  
少家惆悵焚門老賓客停舟應不是天涯

癸歸以酒炙餉韓兄古洲口占爲侑

好事何人問子雲一甘逸少與誰分酒甜未許輸香

蜜炙美真堪遺細君大嚼可須回白首淺斟猶憶醉

紅裙

兄高年好談風懷舊事

暗窓飯罷摩雙眼硬紙黃庭向夕

曛

兄家藏楊許黃庭楷書日撫數紙

書夏五集後示河東君

帽簷欹側漉囊新乞食吹簫笑此身南國今年仍甲

子西臺昔日亦庚寅

皇朝西臺勸哭亦庚寅歲也

聞雞伴侶知誰



是畫虎英雄恐未真詩卷叢殘芒角在綠牕剪燭與  
君論

牧齋有學集卷三終

牧齋有學集

卷三

九

牧齋有學集卷四

絳雲餘燼集上

湖上送孟君歸甘州二首

刮面寒風掠髻絲湖干尊酒不堪持豈應滄海揚塵

日重話蓬萊獻賦時

君好談予制舉文字故及之

玉笋班行空點

鬼金甌將相總興尸霸光一老頭如雪映帶麻衣泣

路岐

才歌伐木又驪駒執手懽騰雜涕洟奔赴見星仍漢  
汰送歸臨水亦湘纍別筵忍唱甘州曲故國誰看原  
廟碑爲我因風謝高掌莫隨河曲漫遷移

故司禮盧太監

盧舊官司禮神宗時屬鄭貴妃名下今管織造于杭

列宿由來帝座旁  
星移斗轉却輝煌  
每餐絳雪朝金母  
曾捧紅雲侍玉皇  
西北籠筐新組織  
東南杼軸舊輸將  
知君補衮心千里  
并與山龍貢上方

方菴詩爲心函長老作

方菴云何方將無與圓耦  
方菴如方器方空體非有  
見方復見空方空相雜蹂  
譬如眼中花發肯瞪視久  
方菴空堂宇方器空尊鹵  
方以大小別空有舒縮否  
又如隙中人窺日在戶牖  
築牆限虛空虛空了不受  
方器規作圓圓方不相守  
空體無方隅逐彼方圓走

方空定何方圓空向誰取方空與圓空天眼豈能剖  
大地浮空水浮沉判高厚人生玄黃中方圓互擊掊  
顛倒生分別鼠穴銜窠藪佛言頻伽瓶塞空擎以手  
持空餉遠國携取還相扣貯空豈非愚顛倒徒抖擻  
瓶空一切空君其問瓶口我作方菴詩用告方菴叟  
無將大虛空迷方貯瓶缶

讀梅村宮詹豔詩有感書後四首

有序

余觀楊孟載論李義山無題詩以爲音調清婉雖  
極穠麗皆託於臣不忘君之意因以笑語風人之  
旨若韓致堯遭唐末造流離閩越縱浪香奩亦起

興比物中寫托寄非猶夫小夫浪子沈湎流連之  
云也頃讀梅村宮詹艷體詩見其聲律妍秀風懷  
惻愴於歌承賦麥之時爲題柳看花之句傍徨吟  
賞竊有義山致堯之遺感焉雨窓無侶援筆屬和  
秋蛩寒蟬吟噪唧唧豈堪與間關上下之音希風  
說響乎河上之歌聽者將同病相憐抑或以爲同  
牀各夢而輾爾一笑也時歲在庚寅玄冥之小春  
十五日

上林珠樹集啼鳥阿閣斜陽下碧梧博局不成輸白  
帝聘錢無藉貰黃姑投壺玉女和天笑竊藥姮娥爲

月孤淒斷禁垣芳草地滴殘清淚殺薜蘿

靈瑣森沉宮扇迴屬車輾轆殷輕雷山長水濶欺魚  
素地老天荒信鴂媒袖上唾成看紺碧夢中泣忍作  
瓊瑰可憐銀燭風添淚畱取高僧認劫灰

撾鼓吹簫罷後庭書幃別殿冷流螢官衣蛺蝶晨風

舉畫帳梅花夜月停

熨衣梅帳皆天寶近事

銜壁金釭憐旖旎

翻堦紅藥笑娉婷水天閒話天家事傳與人間總淚  
零

銀漢依朕戒玉清行宮香燼露盤傾石碑銜口誰能  
語碁局中心自不平襖日更衣成故事秋風紈扇是

前生寒窻擁髻悲啼夜暮雨殘燈識此情

京口渡江有寄

春陰和雨黯孤舟歷歷津亭抵夢遊芳艸未知爲客  
意暮雲偏領渡江愁驚沙望裏蕪城賦畫角飄來萬  
歲樓寄語半山堂上客壺觴還似舊風流

廣陵登福緣佛閣四首

危樓切太空塵壒俯冥濛度世香燈裏降魔應器中  
上方三界在八表一雲同鈴鐸人天語如聞替戾風  
黯黯經時雨荒荒有漏天豈能靈日月還與滌山川  
一炬幽火千門板木烟催歸松漠鳥啼到相輪邊

獨自層樓上偏於象緯親輪中迴日月規外撫星辰  
北戶風霜急南柯國土真高高天眼在憑攬析微塵  
冥晦乾坤戶迷方何去從禪枝迎怖鴿鉢水候眠龍  
鐵浴兵前雨銅崩刦後鐘靄山殊未散清夜禮金容  
辛卯春盡歌者王郎北遊告別戲題十四絕句  
以當折柳贈別之外雜有寄託諧談無端隱謎  
間出覽者可以一笑也

桃李芳年冰雪身青鞋席帽走風塵鐵衣毳帳三千  
里刀軟弓欹爲玉人

官柳新栽輦路傍黃衫走馬映鵝黃垂金曳縷千千



樹也學梧桐待鳳凰

時聞燕京郊外夾路栽柳

紅旗曳製倚青霄  
鄴水繁花未寂寥  
如意館中春萬樹  
一時齊讓鄭櫻桃

簞簟休吹蘆管暗  
金尊檀板夜沉沉  
莫言此地無鸚鵡  
鵲乳燕雛鶯到上林

多情莫學野圻央  
玉勒金丸傍苑牆  
十五胡姬燕趙女  
何人不願嫁王昌

壓酒吳姬墜馬粧  
玉釭重碧臘醅香  
山梨易栗皆凡果  
上苑頻婆勸客嘗

閣道雕梁雙燕棲  
小紅花發御溝西  
太常莫倚清齋

禁一曲看他醉似泥

王郎云此行將倚龔太常

可是湖湘流落身一聲紅豆也沾巾休將天寶淒涼曲唱與長安筵上人

邯鄲曲罷酒人悲燕市悲歌變柳枝醉覓荆齊舊徒侶侯家一姬老吹簾

憑將紅淚裏相思多恐冬哥沒見期相見只煩傳一

語江南五度落花時

此下共五首寄侯家故妓冬哥

江南才子杜秋詩垂老心情故國思金縷歌殘休悵恨銅人淚下已多時

灰洞溟濛朔吹哀離魂嘿嘿繞蘇臺紅香翠煖山塘

路燕子楊花並馬回

范石湖云溪南燕北謂之灰洞

春風作態棟花飛清醪盈觴照別衣欲我覆巾施梵  
咒要他才去便思歸

左右風懷老旋輕捉花留絮漫多情白頭歌叟金禪

老彌佛燈前詛汝行

錫山雲間徐老

### 題金陵丁老畫像四絕句

輦轂繁華雙髻中太平一曲舊春風東城父老西園  
女共識開元鶴髮翁

髮短心長笑鏡絲摩娑皤腹帽簷垂不知人世衣冠  
異只道科頭岸接離

倚杖鍾山看落暉  
入民城郭總依稀  
閒揩老眼臨青鏡  
可是重來丁令威

獨坐青溪炤髻絲  
小姑何處理蛾眉  
畫師要著樊通德  
難寫銀燈擁髻時

石濤上人自廬山致蕭伯玉書於其歸也漫書  
送之

兵火勾連問訊疎  
浮囊傳致比雙魚  
分明已歷塵沙劫  
還道人間隔歲書

兵塵不上七條衣  
刀劒輪邊錫杖飛  
五老棲賢應有喜  
昆明劫外一僧歸

白社遺民剩阿誰  
顛仙何處坐圍棋  
天池御碣渾無恙  
多謝天龍好護持

五乳峰前舊影堂  
依稀蓮漏六時香  
若爲化作軍持去  
午夜隨師入道場

憨山大師舊住五乳余之本師也

禪榻茶烟一病身  
春風時爲掃凝塵  
頻伽瓶裏無餘物  
只合擎空餉遠人

多生無着與天親  
七日同爲刼外身  
飽喫殘年須努力  
種民天種不多人

國土依朕兵燹叢  
清齋冥對落花風  
陶輪世界頻來往  
只在維摩手掌中

縹囊細帙劫灰中火發瞿曇報宅空拋却此間文字

海願隨龍勝到龍宮

伯玉囑上人問訊刻藏因緣故云

紀歷何須問義熙桃源春盡落英知北窻大有羲皇地閒和陶翁甲子詩

歌舞西園闕好春春浮絲竹也生塵諸天宮殿皆灰

燼帝釋何當喚樂神

春浮伯玉家園也

松圓長老罷論詩寂寞春暉舊履綦記取摩娑銅狄

處維陽城北未多時

伯玉往寓春暉請孟陽論詩累月

滄海於今果橫流誰憑快閣覽神州三間老屋東西

住儘着元龍在上頭

還須憑快閣極目覽神州此癸未歲別伯玉詩句三間老屋悠

悠視陰吾輩今日堪著  
元龍百尺樓也嗟嗟

回首東亭首重持望衡對宇定前期呼鷹臺畔頻寒  
食可憶隴家上冢時

東海揚塵未暫停餘杭新酒指銀瓶蕭郎若肯携家  
住又是方平過蔡經

石濤開士自廬山致伯玉書于其歸作十四絕句  
送之兼簡伯玉非詩非偈不倫不次聊以代滿紙  
之書一夕之話若云長歌當哭所謂又是  
一重公案也辛卯三月蒙叟弟謙益謹上

贈新建喻嘉言

公車不就幅巾徵有道通儒梵行僧習觀湛如盈室  
水煉身枯比一枝藤嘗來草別君臣藥拈出花傳佛

祖燈莫謂石城還  
迹千秋高獲是良朋

高獲遠遁江南卒于

江南見後漢書方技傳

### 送汪雲卿歸楚口占二首

與君頻作別此別最酸辛  
率土無寧宇餘年少故人  
老還期見面窮豈忘交親  
萬事愁眉外長歌莫損神  
自古荆湘地英雄互攬拏  
車徒推二廣子弟說長沙  
羊陸名何有孫劉跡未賒  
看君臙脚在垂老不須嗟

### 哭稼軒一百十韵

師弟恩三紀君臣誼百年  
哀音騰粵地老淚洒吳天  
殺氣南條急流氛北戶纏  
行宮踰越嶠留守限靈川



已下敘失守  
殉難之事

倉卒聞風潰逡巡厝火然操戈乘內間

解甲起中權捲土心仍壯憑城誓益堅喧呼齊辮髮

奮擊祇張拳刀鋸徒爲爾冠裳正儼狀歸元髯上磔

嚼齒爪中穿荀偃含猶視張巡起欲旋揚揚神不亂

琅琅語爭傳徒抱銜鬚痛誰能啗血憐

已下敘聞訃  
爲位之事

傷心寢門外爲位佛燈前一慟營魂遠三號涕泗漣

脩門歸漠漠故國望惻惻虞殯歌休矣巫陽筮與焉

吳羹悽象設楚些愴蟬聯魂復新遺矢神棲舊坐氊

靈衣風肅肅幽笑雨濺濺清夜前除酒明燈近局筵

逢迎傷剪紙送別忍燒船黃鳥身其百青龍歲半千

四遊餘渺莽八翼罷騰騫飛鐵兵輪重爲銅物冶全

庚寅徵覽揆辛卯應災躔

君生于庚寅甲子一周而終故引庚寅以降之詩其

聞詩辛卯夏也故引朔日辛卯之詩皆假借使之也

劒去梧宮冷刀投桂水煎

訓孤宵叫笑嬰紉晝連蜷鬪澗龍傷血崩崖蜃吐涎

是夏虞山有出屨之異已下拊心看迸裂彈指省轟敘其戊辰後歸田燕遊之事

闌攀附龍門迥追陪鶴蓋連園林歸綠水屋宇帶紅

泉一飯常畱客千金不問田以忙消塊壘及暇領芳

妍日落邀賓從舟移沸管絃丹青搜白石杖履撰松

圓

君好藏白石翁畫于程又有師資之敬已下敘其少壯受經之事

齒馬成吾老童

烏憶汝賢兔園溫句讀蛾子學丹鉛枕膝應傳喜聚

樓獨許玄

已下敘其登朝貶謫及牽連下獄之事

青春憑驥褭白首託

夔炫桃李西江宰梧桐左掖員裂麻心膽赤恤緯髡

毛宣北寺偕書獄西曹互橐餖朱游和藥切黃霸授

經專

已下敘甲申喪亂之事

銅馬神州沸金雞密網蠲甘陵錄

牒寢元祐黨碑鐫北闕驚傳火東郊狎控弦帝車俄

運轉天步久迤邐

余與君以甲申三月初十日同日賜環

鰲足傾三極

龍湖斷八埏關山留北顧宗祏寄南遷

已下敘乙酉歲開府廣西

遇亂擁立之事

江左朝廷小交南節鉞偏風雲天路偏翼戴

本支綿宗澤回鑾表劉琨勸進箋嶺邊求日月規外

別坤輶翼軫開營壁湘灘抵澗瀝隻身支浩劫赤手

捧虞淵插羽鉤庸蜀分茅餌益滇黃儂羅種落邕桂  
簇戈鋌青犢烏仍合紅巾螳並緣反王收魏豹別將  
置梅鋗白象扶丹轂烏蠻曳綵旃盧兒宿衛直廝養  
徹侯駢書詔行營裏除官御覽先兩宮湯藥使中禁  
洗兒錢

已下重敘庚寅冬  
失守殉難之事

一旅基將肇三分業未竣

連雞昏蚌蛤啞虎玩蠅蜒畫地翔河島嬰城墜紙寫  
執冰嘻狒狒投縋引蠕蠕履善窮江表庭芝殉海喚  
誓言申決絕望拜告精虔目裂光如炬骨藏血化殷  
花門殍面哭藤峽枕尸還青草迎飛旄黃茅擁過轡  
虛祠包箬飯峒祭卜筵尊故隴虞山似

桂嶺亦  
有虞山新愁

桂嶺牽

用張平子四愁桂林之語

丹心石路折皓魄火雲鮮盡說

南朝李何慙東海田鑄金身故在刺木首非捐烈烈

羞祈死淹淹笑祝延

已下重言雜敘做天問大招之意

葭灰陽解駁

火井燄浮烟錯莫嘶泥馬分明叫杜鵑朔方唐故事

綸邑夏前編率土誠延佇敷天忍棄捐雲旗翻畢口

星矢直狼肩壁壘分行陣雷風合弭鞭白山崖倒側

黑水浪平填鵲尾南迴越旄頭北指燕誓師三后所

飲御五車邊改葬新班劔輿尸故馬韉羽林分綏綬

麟閣列貂蟬畫壁雕戈動祠堂兕甲縣傳芭歌沓沓

薦荔鼓齎齎宿列還箕尾

其先人學憲公名字皆取象傳說星也

星祠

配女嬭

其夫人先殂于桂

五陵齊剪棘雙廟並加籙

督師侍郎張公

同敵抗罵不屈同日被害故太師江陵文忠公之孫以門蔭起家已下結敘哀免悼之詞後死身

餘幾先生腹尚便不成升屋哭彌想對牀眠單子畱  
形影淒涼度陌阡雞窓言髣髴蛛匣字蜿蜒西第花  
猶發東臯草欲芊經過光景眩識路夢魂顛太息看  
梁棟沉吟仰屋椽移山誰負畚鍤海可乘編守器紆  
奔問餘皇肄泝沿祝余雙淚涸將伯寸心痛長夜歌  
將闕窮塵恨始湔蕩陰三士詠蜀國八公篇鄉夢憑  
溫序哀詞屬馬汧降神天意遠養士國恩綿汗竹新  
書史澆花近掃阡明明老眼在拭目向空玄

東陸兆登二兄問疾

清齋服散比如何詩律書籤可折磨庭葉喻身知幻  
少窓禽說汰苦空多落花風入茶烟細擣藥聲依棋  
響和自笑衰翁但求食中時頻欲詣維摩

孟陽冢孫念修自松圓過訪口占送別二首

松圓孫子見扶牀執手驚看似我長有幾故人今宰  
木無多世界又滄桑何年漬酒澆丘壠舊日題詩漫  
草堂已悟前塵知影事臨風收却淚千行

禪榻書牕面石城香燈茶碗記逢迎朝陽有客尋閒  
詠落日何人看耦耕碧血夜臺應面慰絳雲灰划定

魂驚千愁萬恨從鈎鎖  
棖觸今朝爲汝行

奉常王烟客先生見示西田園記寄題十二絕

句

天寶繁華噩夢長  
西田茅屋是西莊  
最憐清夜禪燈  
畔村犬聲如華子岡

竹暗花明斷却灰  
夕陽多處艸堂開  
湘簾蕩日春風  
卷依舊烏衣燕子來

香稻菴前穠稔香  
秋原天外耦耕堂  
閒來判斷人間  
事只有爲農氣味長

池亭花木轉清鮮  
玉石從教焜火燄  
可是寂光長住



朱子集卷之四  
三  
土不同變壤惱諸天

江岸縈迴籬落斜相門何異故侯家郊原初得嘉賓  
會自損東陵子母瓜

縹囊玉軸亞朱闌若酒吳羹竟日歡好事客來頻看  
盡不將寒具列盤餐

列檻虞山近可呼野烟村火見平蕪閉窗潑墨支頤  
坐自寫秋懷落葉圖

闕閣香燈小築幽金函神祖御書畱吉祥雲海茅茨  
裏長涌神光鎮斗牛

滄海波如古井瀾圯橋流水去漫漫世人苦解人間

事家世紛紛說相韓

尚璽東華夢斷時軟紅塵土正迷離藥欄大有翻堦  
藥畱與春風印紫泥

綠水紅蓮卽鳳池朝陽刷羽競長籬梧桐百尺饒雞  
樹要宿從他揀一枝

標峰置嶺看參差幻甚丹青畫裏詩還向右丞叅半  
偈水窮雲起坐行時

京口觀棋六絕句

爲梁谿奕師  
過百齡作

國手今觀袖手時三山秋老髯成絲明燈相照渾如  
夢空局悠朕未有期

八歲童牙上弈壇白頭旗纛許誰千年來覆盡楸枰  
譜局後方知審局難

烏榜青油載弈師東山太傅許追隨風流宰相清平

世誰識沿邊一着棋

記福清葉文忠公事

渭津方罫擅長安紗帽褒衣揖漢官今日向君談古  
事也如司隸舊衣冠

狠石千年局已陳孫劉只合賭侵分不過幾着粗能  
了賺殺人間看弈人

金山戰罷鼓桴停傳酒爭誇金鳳瓶此日江山紆白  
髮一枰殘局兩函經

寄懷嶺外四君詩

金道隱使君

金投曹溪爲僧

朔雪橫吹銅柱殘  
五溪雲物淚沆瀾  
法筵膈食仍周粟  
壞色條衣亦漢官  
畢落禪枝除鴿怖  
多羅佛鉢護龍蟠  
菰蘆一老香燈畔  
遙祝金輪共夜闌

劉客生詹端

桑葢重重捧日年  
橫經演浩已流傳  
叔皮河隴虛推命  
越石幽并枉抗筵  
蜀國有烟噓火井  
秦庭無淚洒冰天  
鍾山舊日追遊地  
金粟堆前叫杜鵑

姚以式侍御

論交直並紀羣看隔歲音書蠟紙殘捧日君能依北  
戶臨風我自滯南冠三湘天轉紅雲近八桂風迴白  
簡寒衰晚尚期持斗酒屬車塵下候回鑾

詠東臯新竹寄畱守孫翰簡

笋根苞粉尚離離裂石穿雲嶺外知祖榦雪霜催老  
節孫篁烟靄護新枝紫泥汗簡連編綴青社分符奕  
葉垂昨夜春雷喧北戶老夫欣賦籜生詩

嘉禾訪梅溪大山禪人四絕句

虎落橫斜瓜荳繁望窮竹徑始知門若非亭午齋鐘  
出錯認陶家栗里村

一坐依朕小刼成蓮花漏裏六時更石林盡日看花  
雨才到人間是甲兵

殘生何意款禪扉白犬青猿昔夢違鄒魯冠裳凋落  
盡此中還有七條衣

青青竹色覆窗楞相對閒看紙穴蠅莫怪機鋒都未  
接老夫原是啞羊僧

吳巨手已齋詩

嘉禾城頭陣雲黑宣公橋上飛霹靂南湖春水漲綠  
波骨拒骸枝血流赤人民城郭總萋迷華觀瓊臺長  
蕞藜幾家高戶無蛛網是歲空梁少燕泥吳生已齋

只尋丈卮字闌干獨無恙取次縹囊結古香依朕墨  
沼翻雲浪人言兵燹旁午時簾閣欄楯光陸離卽看  
雲物常虧蔽或有天龍好護持我聞如來妙心海吉  
祥卮字雲鬢鬢放光常使地獄空閱世何憂市朝改  
君觀胸中卮字無摩醯三眼認天樞天上應無逃劫  
地人間那得辟兵符

朱五兄藏名酒肆自號陶朕余爲更之曰逃禪  
戲作四小詩

茫茫持耳翁落落攢眉友欲逃東鄰禪聊止南村酒  
布袋爲世界米汁是好友會逃彌勒禪肯醉聲聞酒

投壺笑玉女採花嗔惡友且逃天宮禪莫釀修羅酒  
金粟是爾身青蓮亦好友長逃酒肆禪誰沾夜臺酒

胥山草堂詩爲徐次桓作

我歎嘉禾徐亦于書生口欲吞玄菟蠅頭自寫治安  
策牛背偏懸長白圖一朝旅病無端死自笑身亡合  
汗喜陰符蛛篋殉泉臺秋卷牛腰付兒子有子長貧  
手一編腰鎌負米婁江邊每循伍員耕時野自種麥  
離墓畔田胥山草堂困沮洳墨瀋書籤氣軒翥批風  
抹月時出遊兒啼婦呻且歸去胥江水接涪溪湄每  
飯無忘劔渭思莫將鼓角風雲氣銷與香奩金粉詩



贈盧子繇

雲物關河報歲更，寒梅逼坐見平生。  
眉間白髮垂垂下，巾上青天故故明。  
老去閒行聊種菜，朋來參語似班荆。  
楞嚴第十應三遍，已後東方雞後鳴。

雲將老友納妾

詩人常爲燕鶯忙，煖老初知燕玉良。  
松柏同心憐永夜，桃花結子愛春陽。  
含嚀只益蛾眉好，搔背何妨鳥爪長。  
劇喜錢翁年八百，尚食雲母媚紅粧。

壯遊贈顧南金

餘生殘劫共悽惶，彈鋏欣欣笑束裝。  
鐵鎖沉沙論虎

鬪樓船削梯認龍驤前期客有班荆好首路人誰贈  
策長三國江山猶赤壁扣舷爲我問周郎

東臯老僧

春溪花柳隱東臯獨抱軍持護寂寥一室香燈塵刹  
在六時梵唄刼輪銷枝頭怖鴿依林木鉢裏眠龍應  
海潮天眼定中常不昧金輪時見鬼神朝

七十客人見壽

辛卯

七十餘生底自嗟有何鱗爪向人誇驚聞窻窰牀頭  
蟻羞見彭亨道上蛙著眼空花多似絮撐腸大字少  
於瓜三生悔不投胎處單飯僧坊賣餅家

牧齋有學集卷四終

牧齋有學集卷五

絳雲餘燼集下

和墨香秋興卷二首

成化中嘉興姚侍御公綬爲許進士廷冕題墨菊  
卷周桐村鼎沈石田周張給事寧皆有詩屬和呂  
太常憲二律尤佳太常諸孫天遺從市人購得寄  
字索題敬次諸公韵二首以識仰止追盛世懷君  
子采苓風雨良有感話云爾

白石銅村舊作家叢殘香墨似飛花流連文酒風心  
在想像承平刼夢賒南國詞人矜麗藻東城父老說

牧齋有學集卷五

繁華百年天地留詩卷極目雲烟過晚鴉

綈几奚囊賞鑒家橫牕卷軸對黃花卽看殘夢爭言  
好自說千金未許賒先友成弘同石表秋容籬落異  
年華奉常佳句君能詠一看南山色似鴉

是奉常詩落句

天遣家籬菊盛開邀諸名士作黃花社奉常公  
墨菊卷適歸几上諸子倚原韻賦詩題曰東籬  
秋興而屬余和之

占斷秋光是汝家清尊雅奏爲籬花佳賓自至何煩  
約笑口常開不用賒酒盞潤如分露液墨池燥卽起  
雲華吟成却指疎桐樹不宿黃昏接翅鴉

版屋衡門故相家義熙時節種陶花東籬視昔依狀  
好白髮於今沒處賒小築楮欄香國土平分月令晚  
芳華劇憐半樹梧桐影池上離襪噪晚鴉  
故有池上鳳毛之歎  
呂爲故相文懿公後

### 題僧卷

雪被氷牀雲水隈  
處關生斷不曾開  
驀狀豆子爐中爆  
笑撥星星一點灰

### 壽丁繼之七十四首

左右風懷七十年  
花枝酒海鏡臺前  
每憑青鳥傳書信  
不欠黃姑下聘錢  
無事皺眉常自慰  
有人擁髻正

相憐笑他丁令千年後化鶴歸來勸學仙

龍漢分明刼外年燈樓酒舫赤闌前琴尊自可爲三  
友花月何曾費一錢畱客恰宜邀笛步當歌最愛相  
夫憐案頭老蠹休相笑食字春蠶豈是仙

曲踊橫奔倚少年金丸玉劒萬人前淳于正合傾三  
斗鄭尉何曾值一錢望眼刀頭青鏡在吞聲江曲白  
頭憐知君不羨還丹訣俠骨飛騰卽劒仙

白下藏名七十年博場酒肆笛牀前傳來建業三臺  
曲畱得開元半字錢蔭藉金張那可問經過趙李總  
堪憐繫腰莫笑吾衰甚雲母餐來共作仙

甲午春日觀吳園次懷人詩卷愴然有感次韵

二首

誰憑龍漢問編年轉眼分明浩劫前無藉每思邀帝  
博長貧只合貰天錢石言晉國寧非濫鶴語堯時劇  
可憐渡海踰河都未了不如拔宅去登仙

銅人流淚自何年歷歷開元在眼前海上浪傳千歲  
藥民間猶使五銖錢綠絲有繭春蠶老曲樹無條尺  
蠖憐脉望只應乾死盡莫將食字學神仙

次韻贈趙友沂四首

楚史三墳博平威再世廉文心呈浩蕩詩律闡精嚴



道以綬爲紀交將素比縑看君躍馬意寂寞笑郎潛  
長懷天有馬肯坐騎 韉籌策紆三嘆論詩只數篇  
連城歸白壁清廟叶朱絃信宿猶爲客休嗟入維年  
擇木偏宜讓名泉亦取廉斷金資臭味沉水證香嚴  
世變謀衷甲天寒惜被縑滄江嗟歲晚一任老夫潛  
峻堞飛鸞紙崇山積馬韉乾坤三外刼詞賦七哀篇  
才老精金冶心危促柱絃壯遊人所羨冠劔是丁年

次韵贈別友沂

餘生老無徒彳亍困行旅髡鉗疑薙削壞服覓儔侶  
昔遊謝王貢末契結嵇呂夙心薄因依溫涼越書敘

未遑撫塵跡先期扞牧圉元龍豪湖海子先暗河渚  
卽事不相爲遙集互矜許小刼混器界大園易端緒  
志士惜雲雷古義敦贈處一翁輕少陽男子重文舉  
中和叶神聽孤子倚天與吾子視後鞭老夫識退茹  
愧無繞朝策投筆返村墅

爲友沂題楊龍友畫冊

揚生倜儻權奇者萬里驍騰渥洼馬雙耳朝批貴篋  
雲四蹄夕刷金支野空坑師潰縉雲山流星飛兔不  
可還卽看汗血歸天上肯餘翰墨汗人間人間翰墨  
已星散十幅流傳六丁歎披圖礪岫幾重掩過眼烟

嵐尚凌亂楊生作畫師巨狀隱囊紗帽如列仙大兒  
聰明添樹石侍女窈窕皺雲烟憶昔龍蛇起平陸奮  
身拚施烏鳶肉已無丹燐併黃土况乃牙籤與玉軸  
趙郎藏弄細帙新摩娑看畫如寫真每于剩粉殘縑  
裏想見剗肝化碧人趙郎趙郎快收取長將石壓  
撫莫令匣近親身劒夜半相將作風雨

武陵觀棋六絕句

簾閣蕭閒看弈時初桐清露又前期且看試手思新  
着莫向殘燈悔舊棋

滿盤局面若爲真賭賽乾坤一番新有客旁觀須著

眼先知審局定何人

黑白分明下子時局中兩兔已雄雌  
世間國手知誰是鎖日看棋莫下棋

一着先人更不疑侵邊飛角欲何之  
鴻溝赤壁多前局從古原無自在棋

小謝賓朋珠履多後堂棋局應笙歌  
可知今日鵝籠裏定有樵人爛斧柯

太白芒寒秋氣澄楸枰剝啄閃殘燈  
袖中老手還拏撇只合秋原去臂鷹

寄湖州官使君兼簡聖野

白蘋州水淨琉璃正是亭臯葉下時  
午夜使君能對客  
葵亭才子共題詩  
清茗風物宜茶事  
下若戈鋌似酒旗  
擬傍玄真青箬笠  
鷗波先與託微詞

伏波弄璋歌六首

天上張星照海東  
扶桑新湧日車紅  
尋常弧矢那堪掛  
自有天山百石弓

醺酒椎牛壁壘開  
三軍大嚼殷如雷  
百年父老爭歡笑  
曾喫誰家湯餅來

汗血名駒蹴踏行  
白眉他日笑書生  
虎龍變化誰能料  
玉雪家兒似北平

開天金榜豁鴻濛越國旌旗在眼中百萬黎民齊合  
掌玉皇香案與金童

龍旗交曳矢頻懸綉褕金盆笑脅駢百福千祥銘漢  
字浴兒仍用五銖錢

克閭佳氣溢長筵孔釋分明抱送年授記不須尋寶  
誌老夫摩頂是彭錢

壽馮雲將八十

湖山安隱鹿麋羣映雪堂前夜壑分耆舊仍推鄉祭  
酒其尊人故祭酒公也風流猶說小馮君笙歌北里尊前月松

柏西陵夢裏雲灰劫相存贏得在白頭祗合醉紅裙

八十長筵燕笑時  
烏紗巾下剩鬚眉  
平生心跡爲雲  
將老去風懷倚雪兒  
紅藥鬪雞金距在  
青樓拊馬玉  
鉤知投竿大有飛熊想  
莫訝斯千古夢遲

題孟陽畫扇

相逢馬上人  
眉間帶晉楚  
勒馬指前林  
欲共班荆語  
送吳興公遊下邳兼簡李條侯

落花飛雨攪  
邗溝襍被奚囊感  
薄遊寶劒千金吳季  
子長城半壁漢條侯  
高榆耕壘連滄海  
淡柳書堂枕  
碧流共語老夫應  
失笑春淡冒絮尚蒙頭

寄贈下邳李條侯二首

青箱白袷道衣閒，滿月雕弓手自彎。  
蠟屐遠尋婁敬洞，開窓近對子房山。  
白連滄海雲千疊，碧漫圯橋水一灣。  
書劒溪堂鞍馬客，夜淡燈火射潮還。  
下邳橋水浸黃沙，授履傳書跡未賒。  
按部風聲餘草木，雜耕心血長桑麻。  
畢箕夜雨悲烏屋，閭闔春風恥燕家。  
衰老不堪牀下臥，爲君西笑向天涯。

李太公壽

甲子題詩歲月長，遺民杖屨道人裝。  
雞豚近約東西社，湖海平分上下牀。  
酌酒開顏看梓漆，停杯蒿木歎滄桑。  
赤松黃石皆仙侶，進履橋邊問子房。



爲戒香小師題扇

蕭寺僧雛髮初剪風味惺忪意婉孌未曾燈火課法  
華乍向書窓讀文選文選中多月露詞何當嬌亂小  
沙彌休耽宋玉江南賦且記頭陀古寺碑

吳期生金吾生日詩二首

繞膝才稱八十觴長筵羅列又成行先朝第宅尚書  
場小弟班聯御史牀甲子趨庭隨絳縣庚申侍寢直  
丹房樵陽屢趣登真會定在蘭亭禹廟旁

錦衣闕下靖行時秘策家傳玉帳奇馬沃市場餘首  
藉婢膏北婦剩燕支劒花芒吐耶溪曉箭竹風生射

的知春酒酌來成一笑黃龍曾約醉淡巵

陳子永母曹氏壽詩

玉雪蘭風轉畫屏綵衣迴薄栢枝停斗南共指賢人  
聚芒翼都依婺女星

玉山金母樹槐新花月亭前遠戰塵身坐寂光安隱  
土十年劫火不知聞

長筵繞膝話熙朝晚院花磚光景遙最是日華仙掌  
露萬年枝上不曾消

鴛湖水淨月波清映望江天河鼓明拜罷壽筵朝太  
乙五雲多處祝昇平

龔孝升四十初度附詩燕喜凡二十二韵

一氣乘箕裏三辰戴斗邊上卿占月省執法麗星躔  
獨坐中台肅雙藤闔戶懸黑頭三事少白筆四聰占  
報曉雞人罷成陰鶴蓋聯游河五緯並降昴一神偏  
天老論塵數雲樁記小千上尊同馬湏御席列駝筵  
地餅光常照天厨器自肤小紅花破臘重碧酒如泉  
洞府徵嘉會靈簫倚宿緣眉傳京兆嫵曲奏相夫憐  
烏命頻伽共花心雜苑駢珠林香馥郁玉樹自嬋娟  
閣道紅牆近天街碧落連霜生焚草筆春發夢刀篇  
鳳爲棲鸞好蟾於顧兔圓耳瑤璵放日壺矢笑連天

婉戀將雛母參差上樹仙卽看金作礪還似玉爲田  
燕駕紆迢遞嚶鳴附祝筵終期饗斟雉甲子度堯年  
郭河陽溪山行旅圖爲芹城館丈題  
留厓鐵樹閣江關破墨沉沙尺幅間記得承平有嘉  
話玉堂淡處看春山

題柳枝春鳥圖

婀娜黃金縷春風上苑西靈禽能笑侶先揀一枝棲  
甲午十月二十夜宿假我堂夢謁吳相伍君延  
坐前席享以魚羹感而有述

天荒地老夢鴟彝故國精靈信在茲青史不刊亡郢

志白頭猶記退耕時  
簫吹江上商飈發  
潮漏胥門朔氣移  
鄭重吳宮魚膾饗  
寒燈一穗閃朱旗

聖野携妓夜飲淥水園戲題四絕句

銀燭明眉鬪夜光  
喧喧笑語坐生香  
春風十月花叢裏  
閒殺烏啼半夜霜

糺酒頻將羅袖揮  
觥船薌澤指橫飛  
主人大有畱髡意  
若箇燈薈不醉歸

百罰觥籌敢數遲  
只憑眉語判深卮  
吳宮我欲重教戰  
要領吳娃作隊師

喚作梨雲夢不真  
折花傾酒對窮塵  
道人自向諸天

笑還有橫陳執手人

冬夜假我堂文宴詩

有序

嗟夫地老天荒吾其衰矣山崩鐘應國有人焉於是淶水名園明燈宵集金閨諸彥秉燭夜譚相與惻愴窮塵留連永夕珠囊金鏡攬衰謝于斯文紅藥朱櫻感昇平之故事杜陵箋註刊削豕魚晉室陽秋鐫除島索三爵既醉四座勿諠良夜漸闌佳詠繼作悲涼甲帳似拜通天霑灑銅盤如臨渭水言之不足慨當以慷夜烏咽而不啼荒雞喔其相舞美哉吳詠諸君旣斐然成章和以楚聲賤子亦

慨朕而賦無以老髦而舍我他人有心悉索敝賦  
以致師則吾豈敢客爲吳江朱鶴齡長孺崑山歸  
莊玄恭嘉定侯汭研德長洲金俊明孝章葉襄聖  
野徐晟禎起陳島鶴客堂之主人張奕綏子拈韵  
徵詩者袁駿重其余則虞山錢謙益也

甲午陽月二十八日

### 分得魚字

奇服高冠競起余論文說劒漏將除雄風正喜鷹搏  
兔雌霓應憐獺祭魚故壘三分荒澤國前潮半夜打  
姑胥古時北郭多才子結隱相將帶月鋤

歲晚顛毛共惜余明燈促席坐前除風烟極目無金

虎霜露關心有玉魚艸殺綠蕪悲故國花殘紅燭感  
靈荷退耕自昔能求士慙愧荒郊自荷鋤

和金孝章 用來韵

故國過從意倍親天涯北郭昔時人文章溝壑存洪  
筆戎馬江山剩角巾四壁霜風如浩劫一窓燈火話  
窮塵寒梅破墨欣相贈笛裏南枝蚤放春 孝章詩後  
畫墨梅一枝  
枝意有託也

和朱長孺

天寶論詩志豈誣蠱魚箋註笑侏儒西郊尚記麻鞋  
往南國猶聞石馬趨事去金甌悲鑄鐵恩深玉匣感



鱗珠寒風颯拉霜林暮愁絕延秋頭白鳥

長孺方箋註杜詩

和歸京恭

樗櫟餘生倚不材老顛風景只堪哀已拚身是溝中  
斷未省心同刼後灰何處青蛾俱乞食幾多紅袖解  
憐才後堂絲竹知無分絳帳還應爲爾開

是日女郎欲至戲以

京恭道學辭之來詩以腐儒自解故有斯答

和葉聖野

躍馬聞雞心事違相期晚晚定因依五湖蝦菜春來  
好三月鶯花亂後稀語沸綠尊波作浪談淡紅燭淚  
沾衣包山卽是仙源路莫漫緣溪悵快歸

時有卜居包山之約

和徐禎起

老學依狀炳燭時杜詩韓筆古人師崑岡玉石吾何  
有東海滄桑某在斯草野不忘油素約蕉園終見汗  
青期請看典午陽秋例載記分明琬琰垂時諸君共  
商史事故  
之及

簡侯研德并示記原

用歌字

當饗休聽暇豫歌破巢完卵爲銅駝國殤何意存三  
戶家祭無忘告兩河擊筑淚從天北至吹簫聲向日  
南多知君恥讀王哀傳但使生徒廢蓼莪

贈陳鶴客兼懷朱朗詣

用真字韵

雀喧鳩鬧笑通津橫木爲門學隱淪名許詩家齊下  
拜姓同孺子亦長貧風前剪燭尊無酒雪後班荆道  
少人却憶西陵有羈客荒雞何處警霜晨

贈張綏子

前韵

名園綠水履綦新取次盤飧笑語真戴笠經過看老  
客荷衣出拜記留賓往過異度泌園綏子尚羈貫  
故有遺山荷衣出拜之感十  
年宿艸猶今雨半壁殘燈似故人莫訝心期託年少  
通家孔李更誰親

仲冬六日吳門舟中夜飲飲罷放歌爲朱生維

章六十稱壽

甲午

吳門朱生朱亥儔行年六十猶敝裘生來長不滿六  
尺胸中老氣橫九州朝鑿暮鹽心不省春花秋月身  
自由席門縣薄有車轍臂鷹盤馬多俠游是時金閶  
全盛日鶯花夾道連虎丘柳市金盤耀白日蘭房銀  
燭明朱樓時時排場縱調笑往往借面裝俳優觀者  
如牆敢發口黎園子弟歸相尤就中張叟燕筑最骯

髯橫襟奮袖髯戟抽鄰翁掃松

繼之

痛長夜相國寄子哀  
清秋金陵丁老繼之誇矍鑠偷桃竊藥筋力適月夜

劉唐尺八腿拔衣濶步風颼颼王倩

公秀

張五

穉昭

並婀娜迎風拜月相綢繆玉相交加青眼眩鸞篋奪

得紅粧愁朱生皋兀作狡獪黔面髻髻衣臂鞢健媪  
行媒喧剝啄小婢角口含伊嘔矮郎背弓擔賣餅牧  
豎口笛尋蹊牛髻絲頰毛各有態搖頭掉舌誰能侔  
吁嗟十載遭喪亂寄命朝夕同蜉蝣天地翻覆戲場  
在干戈剝換顛毛畱老顛風景仍欲裂對酒歌哭庸  
何郵腎眼會過千歲刼當筵翻笑隔夜憂何妨使君  
呼八騶跨坊綠幘戴紅兜下馬忽漫開口笑解貂裘  
預秉燭遊吳姬錦瑟許共醉鄂君翠被邀同舟雜坐  
何當禁執手一笑豈惜傾纏頭商女歌殘燭花冷仙  
人淚下鉛水稠夜烏拉拉散列炬村雞荒荒催酒籌

午夜前期問櫪馬明朝樂事歸爽鳩朱生朱生且罷  
休爲爾酌酒仍長謳張叟老丁齊七十老夫稍長亦  
輩流兔鳥天上不相待雞蟲人世難與謀且掄王倩  
長舞袖更囀張五清歌喉熨斗眉頭展舊皺漉囊囊  
面開新筍清商一部娛燕幕紅粉兩隊分鴻溝急須  
伴我醉鄉醉安用笑彼囚山囚

次日篝燈泊舟吳塔呵凍漫稿

贈盛子久

鏡裏顛毛笑汗青浮雲心事鶴身形金光共室常清  
淨玉斧尋真自杳冥白甕驚僧分竹杖絳紗鹿女問

蓮經家山只在柴門外梵罷香銷看翠屏

燈屏詞十二首

贈龔大中丞

天河橫轉酒旗斜月駕青銀駐絳紗歌闋落梅人未  
醉碧桃何事旋開花

神索風傳臺柏枝天街星傍火城移袖中籠得朝天  
筆盡日歸來便畫眉

御席駝羹宣賜稀金盤行酒着珠衣笑他寒餓東方  
朔自拔鸞刀割肉歸

換徵移宮樂句多玉簫風急渡銀河星娥月姊驚相  
詰天上何人竊九歌

絡角星河不夜天花開花合不知眠小紅一片才飛  
却却怪人間又一年

油壁青驄莫浪猜  
鸂鶒輪倒景坐徘徊香風却載紅雲  
下忉利新看香市回

潑墨崇蘭泛曉霞  
石城玉雪漾平沙  
騷人香草休題  
品此是西天稱意花

青瑣丹梯詰曲迴  
燈花交處見樓臺  
仙禽梵鳥紛如  
織不涌身雲不入來

陽翟新聲換竹枝  
秋風紅豆又離披  
轉喉車子當筵  
唱恰似儂家絕妙詞



壁月珠簾共一堂  
繁星列宿正低昂  
只嫌舞袖弓腰闊  
尚是人間百戲場

醉鄉曲部總華胥  
唱月催花建鼓旗  
贏得夜珠簾幙外  
諸天如雨細如絲

三月烟花玉藥遙  
文章江左倚靈簫  
不知誰度燈屏曲  
唱遍揚州廿四橋

次韵贈張燕筑

碧雲紅樹夢迢迢  
那有閒情付却腰  
曾向天家偷壓笛  
親從嬴女教吹簫  
一生花月張三影  
兩鬢滄桑郭四朝  
多謝東風扶素髮  
春來吹動樹頭飄

曲江野老復何爲調笑排場顧影時  
地上白毛如短髮天邊青鏡與長眉  
秦淮明月金波在霧谷梅花玉笛知  
秀嶺宮前歌一曲春風鶴髮太平期

芥閣詩次中峰蒼老原韻四首

讀書何似識拳頭老宿當機背觸幽  
一粒須彌應着眼百城烟水好維舟  
拂衣石盡憑誰數彈指門開不用謀  
賸欲披襟談此事明燈落月正遲留

人世喧豗鏡裏頭閒園小閣貯溪幽  
翻風跋浪分千海暖日香雲隱一舟  
于野鶴鳴將子和定巢燕乳爲孫謀  
哭他世上長年者白晝攤錢自滯留

舫齋平繫子城頭  
穴壁穿櫺架構幽  
返照閃紅翻雉堞  
垂楊搓綠影漁舟  
盪雲決鳥從吾好  
駐月紆風與自謀  
聘望卽應同快閣  
奔星飛約任勾留

公車不肯赴綃頭  
簾閣疎窓事事幽  
清曉卷書如繫纜  
當風放筆似行舟  
遺民共作悲秋語  
禪侶長爲結夏謀  
衰老不忘求末契  
憑闌眞欲爲君留

題鄒臣虎畫扇

大癡吹笛度秦關  
鄒子仙遊又不還  
破墨烟巒餘黯澹  
夕陽粉本在關山

浮嵐煖翠失連城  
漂墮今爲糞土英  
一角雲山留數

點爲君懷袖伴孤清

乙未秋日許更生扶持太公邀侯月鷺翁于止  
路安卿登高莫釐峰頂口占二首

盪胸雲氣挾波濤彈指層湖萬頃遙却訝人間還有  
地信知今日是登高點空晴嶼開眉目啣岫陽鳥見  
羽毛眠底三吳塵土界滿城風雨定蕭騷

五十流年昔夢中

余與許翁別  
五十年矣

登高錯莫御秋風整

冠那得雙蓬鬢吹帽休嗟兩禿翁九日茱萸殘却火  
百年藜杖倚晴空夕陽橋社龍歸處笑指紅雲接海  
東

遊東山雨花臺次許起文韵

拂石登臺坐白雲  
重湖浦漈似迴文  
夕陽多處暮山  
好秋水波時木葉聞  
京墓烟輕一點出  
吳江靄重片  
帆分高空却指南  
來雁知是衡陽第幾羣

路易公安卿置酒包山官舍卽席有作二首

綠酒紅燈簇紙屏  
臨觴三歎話晨星  
刊章一老餘頭  
白抗疏千秋託汗青  
龍起蒼梧懷羽翼  
鶴歸華表貯  
儀型撐腸硯壘須  
申寫放箸捫胸拉汝聽

霜髯飄蕭念舊恩  
郎君東閣重相存  
饑來羹饌偏忘  
勸亂去清歌記斷魂  
故國湖山禾黍日  
秋風賓客孟

嘗門燈前戰壘經吳越范蠡船頭好共論

朱內翰開宴二首

飛樓縹緲面湖光罨畫青山枕畫廊內史舊分丹漆  
筆嫵姚新試綠沉槍聽殘金鑰談因夢焚却銀魚入  
戲塲四者難并君自惜肯辭絲竹出中堂

十眉環列飲秋光未了寒暄趣命觴拍岸湖波翻綠  
醕銜山日影逗紅粧看花禁奪繡經眼徵燭防賒惱  
客腸惜別且携殘夢去瞪膏歸路若爲長

送吳梅村宮諭赴召

清和黃葉滿平蕪月駕星輶肅首途病起恰逢吳八

月賦成還見漢三都香爐烟合朱衣在宮扇雲開玉  
佩趨花院槐廳多故事早傳音信到菰蘆

虎丘舟中戲爲張五稗昭題扇得絕句八首稗  
昭少年未娶不肯席帽北遊故詩及之

便面風流柳市知春心顧影問腰肢綠沉漆管餘蛾  
綠漫與東家畫十眉

蕙質蘭心桃李年袂衣迎臘未裝綿儂家舊住天河  
上不比牽牛會貰錢

歐骨虞筋寫硬黃白團紈扇墨衣香笑他弱腕奴書  
子簇簇簪花學女郎

輕紅攬袴拂廬眠  
蘆酒朝醺夜數錢  
紙帳梅花檀板月  
夢魂不到黑山邊

紅袖青衫匝匝時  
鶯喧花妥燕差池  
人中張五看誰是  
玉樹臨風只一枝

霜風午夜靜寒林  
何處柔和轉妙音  
五百仙人齊省記  
多生於此失禪心

昵枕羅衣袖許長  
餘干傳得口脂香  
從君煖老思燕玉  
只合溫柔是此鄉

一剪金刀滿鏡愁  
青春和髮水東流  
明年娶得桃花

女十五盈盈並上頭

張五每自笑十三剃髮待明年娶婦好並上頭也

牧齋有學集

卷五

九



贈張坦公

中書行省古杭都會有尚書曳履無暫借願廳居左  
輅且拋手版領西湖懷中日月韜龍節匣裏風雷閔  
虎符携得岱宗雲滿袖好將膚寸雨菰蘆

中朝九伐勒殊勲父老牽車拜使君藉草定追蘇白  
詠澆花應酬岳于墳西陵古驛連殘燒南渡行宮入  
亂雲註罷金經臥簾閣諸天春雨自繽紛

題京口避風館詩爲淮南李小有作

橫江樓館面金山白浪粘天如等閒恰是四禪清淨  
地毘嵐風起不相關

吳天颶母互爭雄萬斛千帆簸蕩中魚驚吐涎還失  
笑何因平地起龍宮

吹浪江豚向晚多夕陽酤酒聽漁歌長年共指檣竿  
笑少日鯨魚口裏過

未便江風彈指開浮囊謹護且徘徊老僧省得多生  
事曾記河神小婢來

咫尺橫江濁浪腥新添水檻限青冥臨流莫唱公無  
渡恐有人從魚腹聽

朔風吹動幾天昏四壁明燈笑語溫可歎爰居無屋  
止避風常向魯東門

佛火經聲出浪堆  
蝦鬚水母莫相催  
齋時得食江神喜  
約束龍魚受戒迴

三界風輪蕩不旋  
避風小築倚江天  
知君突兀千間屋  
未是經營斷手年